

重修魯桥镇志

一
二
册

函

敘

嘗聞國乘資於省乘省乘資於邑乘而邑乘尤爲鄉乘所集而成者也蓋以採訪皆土人道里近而聞見真且無所諱忌雖曰野史司馬氏之好採小說良有以也如吾毛氏但以士農商三事立家非有閥閱而族大支繁恐其久而昭穆失序也猶有家乘以志之矧吾鄉賢人君子節孝貞烈爲吾家子女所資以瞻仰及學校實業水利土物爲老幼所資以生存者敢漠然置之乎適余世文郭西坡先生者養晦十餘年留心史事曾請命于伏一柵人少白馮公峨南老人玉山劉公等往事不知者悉資顧問搜羅幾盡輯成卷軸欲付剞劂獨

憂紙貴商於余余爲請諸家君朗亭蓋家君與世丈西坡爲
莫逆交雖至窘亦代謀焉因允捐金排印一百部頒諸吾鄉
一存文獻一無負諸先生苦心耳癸亥夏曆九月毛錫麟謹
敘

重修魯橋鎮志序

魯橋鎮居涇陽縣東北鄉名溫豐屬僅三里蕞爾一隅也歷兩漢魏晉以迄元明代有偉人近代王復菴司寇事業文章冠冕邑乘雖曰蕞爾亦奧區也鎮志創於一臣王介迄今百餘年無繼修者余商之諸同志曰有創始而無繼述王先生之恨我輩之恥也同志亦謂然於是任郭子少田以編輯越二年而始就余惟略總其成而已嘉慶以後仕宦科名雖搜羅無遺而奇節義行之在窮鄉僻壤者恐表彰或有未盡是又待於後之賢者也癸亥冬十一月里人馮庚序

續修涇陽縣魯橋鎮城鄉志小引

西坡 郭思銳

曩者馮子少白嘗游于鎮北之清涼寺得觀友松山人游峪口記評山題水寫事逼真而惟于魯橋志書言之尤悉亦見夫一鄉一邑之志全省取資通國取資天下後世亦取資如鄭漁仲之作通志合上下古今而志故用是諄諄焉馮子乃喟然歎曰晉之乘楚之檣杙魯之春秋其實一也乘檣杙無善後之人故其書不行春秋得仲尼挽之于前左氏推之于後故其書與日月并明不然則一卷事目安能行於于世友松觀察京師正白旗人也偶游至是於斯志猶記念不置產茲土者能無滋愧歸告孝廉劉玉山王辛芸成均潘鎮東毛

慧生諸君曰吾鎮魯橋志書洎嘉慶間王介先生修後百年于茲續修乏人吾鄉賢人君子節孝貞烈所謂奇行義舉介先生不及見者盡歸湮沒先生能奮乎百年之上而吾鄉人士乃至百年之下莫能興斯亦後來者之咎也吾與玉山年將古稀諸君子亦幾花甲如仍務相推避遲以有待將坐變炎涼徒延歲月逮至人往風微遺落實多諸君曰諾且告溷迹子聞溷跡賦閒鄉里公私無擾且營校書于古愚氏之門而于修史之道或能略窺其一班當任以編輯之事而馮子爲總纂劉子爲協修吾儕竊有以佐之矣乃致書委予任事予獲書喜耳慚喜則幸文獻之不墜慚則慨委任之非人覺

志者又也江淹有言修之難無出于志憲章所系非老于史冊者不能爲也所以范曄陳壽之徒能爲記傳而不敢作志且志之大原起于爾雅司馬遷曰書蔡邕曰意華嶠曰典張勃曰錄何法盛曰說而惟班固謂之志鄭夾漈猶譏其不足盡爾雅之義予何人斯敢居之不疑耶乃謝曰馮子者敬通學派劉子亦子政家風固皆沈酣典籍工于著作必能上繼介子先生志而大有光于斯書且辛芸爲介先生耳孫家學淵源如司馬談有其書而遷能讀之班彪有其業而固能守之言而世爲天下法安見不能筆削而爲信史也况良史差肩直筆接武鎮東慧生皆通經知史斯又今日之潘岳毛萇

也欲善誰不如我吾斯之未能信者以此如必辭不獲已竊
願約法數章迸去往者積習大都後世修書掠人之文竊鐘
掩耳雖曰予不敢墜前人之言乃述故事整齊其書非所謂
作也然於可略而不略應書而不書則亦劉知之譏溫公能
據舊記而不詳於新義焉其或以戚族故舊濫希記載是猶
虞世南預修書而虞荔虞寄有嘉傳房玄齡董史冊而房彥
謙擅美名者未可訓以爲法也甚者桀犬吠堯吠非其類繩
人以刻黨見遂生則又如王陵諸葛誕之徒不見收于齊史
他如富豪貴胄大書特書而忠義士之抱屈黃壤而不問科
第搢紳一志再志而節烈婦之含冤九泉而不知是數者予

每爲之慨然而惜其不能正也今者爲衆所推非敢故爲苛

法第以條章不立著述無主將有十羊九牧其義難行一國

三公適從往在人自以荀爲

悅荀

袁

宏袁

家自稱爲政駿

劉向字子政劉歆字

駿子

縱殺青有日集成卷軸恐伯度

杜伯度

訝其不實公理

仲長統字

以爲可焚張

張衡

蔡

邕蔡

一子糾之於當代傳

傅休

范

范蔚宗

兩家

嗤之于後葉者不僅見于漢之東觀已也

漢明帝時劉陶伏無忌作史

劉知

幾謂作史須兼三長曰才學識予謂作史須兼四長曰德才

學識蓋有德者必有言而立言庶可不朽也諸君子推予爲

編輯其以德與才乎抑以學與識乎予則未有一焉所可

自信者既承馮子之筆削復蒙諸君之校勘去其繁文續其

闕略不縻大官之一膳不索長安之一米而俾斯書亦秩然
成立非敢言志亦聊以報吾鄉而致文獻于不替云

序

魯鎮三里爲涇陽縣屬之一區風土人物俱載邑乘似無庸再贅爲也然鄉先達已舉之而後來者莫敢廢也况邑乘恒病其畧而鄉乘則不厭其詳爰取王一臣先生舊本續之錄其既有增其本無而編爲十二卷此十二卷中補入者如地理學校水利貢賦實業武職孝友義行乃嘉慶以後之事蹟而嘉慶以前不可得而聞也地理以下各卷闕略者補于首難道龔佛之譏名宦以下各卷繼起者增于尾究貽續貂之誚然于先生所錄悉仍其舊不敢擅爲去別如取舊志校刻姓氏捐資人名附入卷末序記祀神各文錄入藝文以備後

之賢者徵文考獻則前存古人後冀來者亦足證予今日之
荒謬云西坡又序

續修涇陽縣魯橋鎮城鄉志姓氏

總纂

特授四川永甯縣知縣

調署西充縣事

協修

吏部候選知縣

編輯

本省試用縣丞

校勘

中書科中書

五品銜縣丞

優貢馮庚

舉人劉參易

歲貢郭思銳

舉人王存厚

附貢潘鍾嶽

附

參訂

歲廩廩廩生監增增

貢毛
懌

貢劉照黎

生劉化莪

生劉維藩

生王福泉

員謝永貞

生件錫福

生周煥章

生趙澄

附 附 俊 生 生 生 生 生 生 生

生李 絨

生劉登瀛

秀毛錫麟

員徐濟森

員王德寬

員楊鴻儒

員曹述榮

員劉躋聖

員郭 愈

員劉思琨

生 生

員魏志仁

員趙塘

關中道地方自治講習分所畢業員毛錫鳳

畢業生

大學

張習圭

畢業生

高小

馬剛

畢業生

高小

王恭